



16. december 2021

Inatsisartut ingerlatsinermut maleruagassaasa § 37 imm. 1 tunngavigalugu Naalackersuisunut ukuningga apeqquteqaateqarpunga:

**Naalackersuisunut apeqquteqaatit:**

1. Naalackersuisut nassuiarsinnaavaat, piginnaasat suut aningaasatigullu kingunissai suut pisariaqartinneqassanersut, Kalaallit Nunaat WHO-mut ilaasortanngorpat?
  - a. Pisortat allaffeqarfiat qanoq annertutigisumik annertusisariaqassava, Kalaallit Nunaat WHO-mut ilaasortanngussappat?
2. Allaffissornikkut aningaasatigullu suut kingunerissavai Namminersorlutik Oqartussanut, kommuninut namminersorlutillu inuussutissarsiuteqartunut WHO-mi ilaasortaalermermi?
3. Naalackersuisut WHO-mut ilaasortanngornermi suut naatsorsuutigaat?
4. Ilaasortaalermermi Kalaallit Nunaat sutigut pituttussava?
5. Naalackersuisut nalunaarutigisinnaavaat maannakkut Danmarkip ilaasortaaneratigut Kalaallit Nunaata ilaatinneqarnerani suna assigiinngissutaassanersoq, Kalaallit Nunaat Danmarkip avataatigut ilaasortanngorneratigut/ilaasortanngussappat?
6. Kalaallit Nunaata WHO-mut peqataalernissaa Naalackersuisut qaqugu pisussatut naatsorsuutigaat?
7. Naalackersuisut suliamut tunngasunik soqutiginaatilinnik allanik paasissutissiisinnaappat?

(Inatsisartunut ilaasortaq Anna Wangenheim, Demokraatit)

**Tunngavilersuut**

Inatsisartut 2021 ukiaanerani ataatsimiineranni Nunat Avannarliit killiit Siunnersuisoqatigiiffiata Kalaallit Nunaata Peqqissuunissamut suleqatigiiffimmut WHO-mut ilaasortanngornissaanik kaammattuutaa akueraat.

Tulluarluinnartutut naammaginnartutullu isigineqarsinnaagaluarpoq nunarsuaq tamakkerlugu peqqissuunissamut sulinaqatigiiffissuarmut ilaarusunneq. Naalackersuisulli nassuerutigaat, suli paasineqarsimanngitsunik nukinnik aningaasanillu atuiffiussasoq. Taamaattumik isumaqarpunga, iluareqqusaarnerup aqqani siunnersuut akuerineqarsimasoq, nalulluinnarlugu, sunik kinguneqartussaasoq.

WHO ilisimasanik pigisaqarpoq, uagut maani nunatsinni atortakkatsinnik kalaallit inuiaat ilisimasanik nutaarluinnarnik aallersinnaanerannut nunallu assigiinngitsut akornanni ilimagisanut suliniarnitsinni



atortakkatsinnik. Taamaakkaluartoq oqartariaqarpunga, eqqumiigigakku, amerlanerussuteqartut siunnersuummut taamaattumut akuersisimanerat kingunissai ilisimangilluinnarlugit. Taamaattumiguna siunnersuutigisimagaluaringa, ataatsimiititaliamut ingerlateqqaarneqarnissaa, tamannali itigartinneqarsimavoq.

Naalakkersuisuusimasummi ilaasortanngornissaq isummerfigisimangilaat, nukinnik aningaasanillu atuinissaq qulaajarneqarsimanngimmat. Taamaattumillu pingaaruteqarluinnarpoq, piginnaasanik-nukinnillu pisariaqartitsinerit qulaajarneqaaqqaarnissaat. Pingaartumik ataatsimoorussamik aningaasatigut inissisimanerput, silatusaartumik suliarineqarnissaa kaammattuutigalugu ullutsinni, ilisimariinngisatsinnik pisoqartorujussuummat, COVID19-imut attuumassuteqartunik.

Soqutigisarivara, nukiit aningaasallu isumatusaartumik atorneqarnissaat, Kalaallit Nunaata toqqaannartumik ilaasortaanerminut suut iluaqutigissanerai, aammalu kalaallit ulluinnarni inuunerannut sutigut allannguutaassanersoq. Taamaattumik ilaasortanngornissaq ajorivissunngilara, pisariaqartittorujussuarali nukinnik aningaasanillu atuinissap paasinissaa, isumaqarama, peqqinnissaqarfimmi aningaasat innuttaasunut napparsimasunullu atorneqarnissaat pingaarnerpaasariaqartoq, aammalu pisortat allaffeqarfiata annertoreeqisup annertusaqqinnginnissaa.

Apeqquteqaatima ullut suliffiusut qulit iluanni akineqarnissaat kissaatigaara.